



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **In Genesis Enarratio**

**Chyträus, David**

**Vitebergæ**

**VD16 C 2625**

Capvt Primvm.

**urn:nbn:de:hbz:466:1-36126**

25  
CAPVT PRIMVM.  
M V M.

Loci præcipui Quatuor.

- I. De Deo & de Mysterio Trinitatis.
- II. De Creatione omnium rerum.
- III. Testimonia Prouidentie Dei.
- IIII. De Imagine Dei in Homine, seu Qualis fuerit Homo conditus.

I.

DE DEO.

ERudita & integra descriptio Dei & Trium personarum Diuinitatis, in hoc Primo capite Geneseos proposita, initio consideretur.

DEVS est essentia æterna, alia à Mundi corporibus, Creans omnes res alias, intelligens, libera, omnipotens, bona, uerax & iusta, Pater æternus gignens Filium Imaginem suam, & Filius Imago Patris ab æterno ge-

C 4 nita,

nita, & Spiritus sanctus fouens & uiuificans, Quæ diuinitas Cœlum & Terram, ac omnes creaturas ex nihilo creauit, & seruat, & in genere humano condito ad Imaginem suam, eligit sibi Ecclesiam, à qua in æternum agnoscat & celebretur.

Huius Definitionis singula membra eruditè possunt ex huius primi Capitis testimonijs extrui.

Primum enim esse Deum essentiam æternam testatur, cum inquit, Deum in principio creasse cœlum & terram. Fuit igitur ante creaturas. Cumq; non sit creatus, Sed habeat esse à seipso, necesse est æternum esse. Deinde Quod sit Essentia alia à Mundi corporibus, creans omnes res alias, eadem uerba testantur, Fuit enim ante omnia Mundi corpora, & creator in infinitum differt à creatura.

Quod sit intelligens & sapiens essentia, ostendunt hæc uerba, Dixit Deus. Item, Vidit Deus omnia quæ fecerat, & erant ualde bona.

Quod sit omnipotens, conuincit creatio rerum ex nihilo.

Quod sit Essentia bona, uerax, iusta & libera, testatur creatio Hominis, cui ad imaginem Dei condito hæc dona insita sunt, Impossibile est autem effectum toto genere deteriores esse sua causa.

TRES

TRES PERSONÆ, Pater, Filius, & Spiritus sanctus, initiò significantur plurali uocantur **אלהים** Elohim, Nam Ebraica uerba perinde sonant, ac si ita legas, In principio creauit Deus coelum & terram. Item infra plurali uerbo **נאסע** Naase, & plurali affixo **נ** Nu, Faciamus hominem ad Imaginem nostram. Et de Spiritu sancto, qui est tertia persona diuinitatis, disertè dicitur, Spiritus Dei ferebatur super aquas.

Veteres etiam in his uerbis, DIXIT DEVS, duas Personas significari senserunt. Vnam Patris dicentis & gignentis Verbum, quod est Imago sui, per quod omnes res condit. Alteram **λογος** seu Verbum genitum à Patre, per quod omnia facta sunt.

Et ad hanc narrationem in Genesi, respexisse existimant Iohannem, cum Filio Dei tribuit adpellationem **λογος** seu Verbum.

Iohan. 1. In Principio erat Verbum, & Verbum erat apud Deum, Et Verbum erat Deus, hoc erat in principio apud Deum. Omnia per ipsum facta sunt, et sine ipso factum est nihil, quod factum est, In ipso uita erat, & uita erat lux hominum &c.

Psal. 33. Verbo Domini cœli firmati sunt, & Spiritu oris eius omnis exercitus eorum.

Col. 1. Transtulit nos in regnum Filij sui dilecti, per quem habemus redemptionem per Sanguinem eius, remissionem peccatorum, qui est Imago Dei inuisibilis,

C 5 uisibilis,

uisibilis primogenitus omnis Creaturæ. Quoniam per ipsum condita sunt omnia, quæ in cælo & quæ in terra sunt, uisibilia & inuisibilia, siue Throni, siue dominationes, siue principatus, siue potestates. Omnia per ipsum & in ipsum condita sunt, & ipse est ante omnia.

Ebræ. 1. Deus postremis diebus locutus est nobis per filium, quem posuit heredem omnium, per quem & secula fecit, qui est splendor gloriæ, & expressa Imago substantiæ eius, sustentans omnia Verbo potentie sue.

Hæc testimonia non solum lucem afferunt lectioni huius Capituli, sed etiam illustrem descriptionem filij Dei seu λόγος suppeditant, quam hoc loco recitabo, ut etiam in cæteris locis librorum Moysi, in quibus testimonia de filio Dei extant, studiosis in conspectu sit.

**FILIVS DEI** est secunda persona diuinitatis, non creata ex nihilo, sed ab æterno genita de Patris substantia, & est λόγος & substantialis ac integra imago æterni Patris, ὁμοῖος Patri, per quem Pater omnes res condidit, & Euangelion de redemptione & salute hominum immediate patefecit, Qui Filius adsumsit humanam naturam, ut sit  
noster

noster Mediator & Redemptor, ac ut per idem Verbum, quo condita est natura, quod est Imago æterni Patris, rursus uiuificetur nostra natura, & restitua- tur in nobis Imago Dei.

Cause etiam considerentur, Quare filius Dei nominetur ΛΟΓΟΣ, seu VERBUM, seu SERMO.

Primum. Respectu æterni Patris, Quia est imago mentis paternæ, in qua imagine ipse Pater integre lucet. Sicut nostræ mentes cogitando formant imagines rerum, et noster sermo est imago cogitationum mentis. Sic enarrat Basilius pag. 357. Διατι λόγος? ίνα δεχθῆι ότι εκ τῆς Νῦ προήλθε διατι λόγος? ότι ἀπαθῶς ἐγενήθη. Διατι λόγος? οὐ εἰκῶν τῆς γενήσαντος, ὅλον ἐν ἑαυτῷ δεικνυε δὲ γενήσαντα. καὶ τέλος ὑπάρχων καὶ ἐαυτῶν, ὡς καὶ ἡμέτερος λόγος ὅλων ἡμῶν ἀπακο- νίσει πῶ ἐννοιαρ καὶ ὅτι τῆς ἐν τῆς καὶ δία νοήμα- τος ἀπακόνημα δὲ λεγόμενον εἶ. Hoc est. Quare dicitur λόγος? Ut ostendatur, quod ex mente prodierit, et sine passione Mentis genitus, sit imago Patris, totum in sese ostendens Patrem, et perfectus existens per sese, sicut et noster Sermo totius cogitationis effigies est.

Fere iisdem uerbis utitur Gregorius Nazian- zenus in descriptione filij Dei. λόγος λέγεται, ὅτι οὕτως

οὕτως ἔχει πρὸς τὸν πατέρα ὡς πρὸς νῦν λόγος,  
 οὐ μόνον διὰ τὸ ἀπαθὲς τῆς γέννησεως, ἀλλὰ  
 καὶ διὰ σωματικῆς, καὶ διὰ ἑξαγγελικῆς. Hoc est,  
 Dicitur λόγος, Quia se habet ad Patrem, sicut  
 Verbum ad Mentem, non tantum quia Mens pariens  
 Verbum nihil patitur, (non scinditur aut diuiditur)  
 Sed etiam quia perpetuò coniunctum est Patri, &  
 quia annunciat nobis Euangelion.

Augustinus lib. 9. de Trinitate, Cap. 12. Mens est  
 quasi pariens & noticia eius quasi proles, Mens  
 enim cum se agnoscit, noticiam sui gignit, quæ est  
 imago sui. Tertius est Amor, qui de ipsa mente &  
 Noticia procedit, dum Mens cognoscit se, & diligit  
 se &c. Sed huius primæ causæ consideratio in hac  
 mortali uita penitus peruestigari non potest, &  
 erit sapientia, quam in uita æterna integrè disce-  
 mus.

Deinde Filius nominatur λόγος Respectu no-  
 stri, Quia nos alloquitur, & arcanum decretum de  
 Creatione & redemptione hominum ex sinu æterni  
 Patris prolatum, Primus reuelauit. Ioh. 1. Filius qui  
 est in sinu Patris, ipse enarrauit. Sic Irenæus dicit fi-  
 lium dici Verbum, quia sit persona quæ locuta est  
 cum Patribus, edens promissiones de uenturo Semi-  
 ne. Ideo à Nazianzeno uocatur ἑξαγγελικὸς.

Tertio, Quia conseruat ministerium huius sui  
 Verbi seu Euangelij, & per illud efficax est.

Quarto, Quia dicendo, seu Verbo suo, ueram  
 agnitio-

agnitionem eterni Patris in mentibus nostris accendit. Matth. 11. Nemo nouit Patrem nisi Filius, & cui Filius uoluerit reuelare. Iren. eus lib. 4. cap. 14. Deum scire nemo potest, nisi Deo λόγῳ docente. Et cap. 16. Omnes qui ab initio cognitum habuere dominum, reuelationem acceperunt ab ipso Filio, qui & nouissimis temporibus uisibilis factus est, & cum humano genere locutus est.

Quinto, Quia in cordibus nostris dicit Consolationem, qua uiuificat corda, & per Spiritum sanctum leticiam & inuocationem in eis accendit.

Vt enim in prima creatione Hic λόγος seu Verbum, dedit hominibus uitam & lucem, que fuit imago Dei, qua Deum agnoscebant, & ei perfecte in omnibus actionibus obediebant: ut Iohan. 1. dicitur, In ipso uita erat, & uita erat lux hominum. Ita postquam in mortem & eternas tenebras lapsi eramus, rursus immensa misericordia, idem Verbum, per quod conditi sumus, lucem uerae agnitionis & uitam eternam in nobis instaurat.

Hanc commonefactionem de causis, Cur Filius λόγος nominetur, addere uolui huic dicto, DIXIT DEVS, ex quo Iohannes descriptionem filij Dei petiuisse existimatur.

Oro autem filium Dei λόγῳ ἢ εἰκόνα eterni Patris, ut nos doceat, et eternum Patrem nobis monstret.

Spiritus sancti descriptionem recitabo in enarratione



ratione dicti, Spiritus Dei ferebatur super aquas.

Nunc piam & nenustam cogitationem de Myste-  
rio Trinitatis in tribus primis literis Bibliorum pro-  
posito, Studiosi meminerint. Sunt enim tres primæ  
literæ, in duab. primis dictionibus Geneseos, initia-  
les earum dictionum, quibus tres personæ diuinitatis  
nominantur, בראשית ברא ברא Bereschit Bara.

בן Ben. Filius.

רוח Ruah. Spiritus.

אב Ab. Pater.

Ac ponitur Spiritus sanctus in medio, Quia nex-  
us est mutui amoris inter Patrem & Filium.

## II.

DE CREATIONE  
OMNIVM RERVM.

Primum opus Dei, in quo se patefacere & boni-  
tatem ac sapientiam suam lucere & conspici uoluit,  
est Creatio huius pulcherrimi theatri nature re-  
rum, quam in hoc Capite Moses describit. Breuiter  
igitur doctrinam de Creatione usitatis Quæstioni-  
bus Methodi inclusam recitabo.

Creare apud Latinos significat designare, de-  
nunciare, seu declarare, Sed in Ecclesia significat ex  
nihilò aliquid fabricare. Estq; infinitum discrimen  
inter Gignere & Creare, Nam Gignere est ex sub-  
stantia sua aliquid producere, ut æternus Pater Fi-  
lium ex sua substantia gignit, non ex nihilò creat, si-  
cut

cut Ariani dicebant filium εν μηδ' οντων κληθωαι,  
Hoc est, Ex non existentibus conditum esse.

*Definitio Creationis usitate his  
uerbis traditur.*

**CREATIO** est actio externa  
Dei, qua Deus uolens omnes res alias,  
inuisibiles & uisibiles, ex nihilo fabri-  
cauit, consilio suo, ut æternam Ecclesi-  
æ sibi conderet, à qua agnoscat &  
omni æternitate celebretur.

**SPECIES** Creaturarum sunt, Nature inuisi-  
biles, uidelicet Spiritus seu Angeli, de quibus Psalm.  
103. dicitur, Qui facis Angelos tuos Spiritus. Et Na-  
ture Visibiles, ut Homo, Cælum, Lumina, Stella,  
Aër, Aqua, Terra, Planta, Animantia, & reliqua  
partes Mundi.

**CAUSA EFFICIENS** est Deus Pater, Fi-  
lius, & Spiritus sanctus, Qui simul omnes res alias  
condiderunt & conseruant. Psalm. 33. Verbo Domini  
cæli firmati sunt, & Spiritu oris eius omnis exerci-  
tus eorum. Ebr. 1. Per filium secula condidit. Iohan. 5.  
Pater meus ab initio usq; ad hoc tempus operatur,  
& ego operor.

Ex his dictis perspicuum est, Non esse hoc modo  
discernendas personas Diuinitatis, ut Pater solus di-  
catur Creator, Filius Redemptor, Spiritus sanctifi-  
cator. Nam omnia hæc opera Dei externa, Creatio,  
Redem-

Redemptio & Sanctificatio, communia sunt trium personarum. Estq; uera Regula Augustini: Opera Trinitatis ad extra sunt indiuisa, Hoc est, Opera quæ Deus extra suam essentiam facit, sunt communia trium Personarum.

Quod autem in Symbolo solus Pater nominatur Conditor cæli & terræ, causa est, Quia Pater est fons, ut ita dicam, totius diuinitatis, quæ se in illo mirando opere creationis primum patefecit.

CAUSA IMPULSIVA Creationis in mente diuina est, Immensa bonitas Dei, qui suam sapientiam, iusticiam, uitam & leticiam uoluit creaturis rationalibus communicare, & uicissim ab eis agnosci & celebrari, Nam Bonum est communicatiuum sui. Sic D. Irenæus lib. 4. cap. 28. inquit, Deus hominem plasmauit Adam, ut haberet, in quem sua beneficia collocaret.

INSTRUMENTVM quo Deus ad hanc pulcerrimam machinam cæli & terram fabricandam utitur, est VERBUM, seu filius Dei, λόγος.

MATERIA ex Qua, nulla est, Nam omnes Res ex nihilo conditæ sunt, ut Ioh. 1. dicitur. Omnia per ipsum facta sunt, Ergo etiam materia facta est. Eccles. 18. Qui uiuit in æternum, creauit omnia simul, seu uniuersaliter. Psalm. 32. Ipse dixit & facta sunt. Ipse mandauit, & creata sunt. Ebræ. 11. Fide intelligimus condita esse secula, ita ut ex inuisibilibus uisibilia prodirent. Quod autem in Physicis dicitur,

tur, Ex nihilo nihil fit, id in natura iam condita & ordinata uerum est, nec transferendum est ad primam conditionem rerum. Sicut Stoici finxerunt Materiam Deo conditori coeternam fuisse, Quod Stoicorum delirium, cum Hermogenes defendendum suscepisset: Tertullianus in Refutatione Hermogenis inquit, Philosophos hæreticorum Patriarchas esse.

**FORMA** Creationis & Creaturarum à nobis perspicietur, cum ipsius architecti æterni Patris, Filij, & Spiritus sancti, deliberationem & sapientiam in hoc opificio Mundi propositam coram audiemus.

**FINIS** Creationis est, ut Dei sapientia & bonitas in toto opificio Mundi luceat, ac ut ex Angelis & Hominibus æterna Ecclesia Deo colligatur, à qua agnoscatur & celebretur, & cui suam bonitatem in omni æternitate communicet.

Ephes. 3. Qui omnia creauit, ut innotescat per Ecclesiam multiformis sapientia Dei.

Coloss. 3. Homo ad agnitionem Creatoris conditus est.

Ephes. 4. Homo iuxta Deum creatus est ad iusticiam & sanctitatem ueram.

Ephes. 2. Ipsius opus sumus conditi ad bona opera.

**EFFECTVS** Creationis sunt omnes Creature.

**COGNATA** Creationi est conseruatio & susten-

sustentatio naturæ à Deo condita. Non enim discessit Deus à suo opere, quod fabricauit, Sed adsidue adest suæ creaturæ, seruat leges motuum cœlestium, uices dierum ac noctium, uices temporum anni, quotannis fecundat terram, dat uitam animantibus & hominibus, præparat infantibus cibum in uberibus matris, antequam nascantur, seruat & prorogat uitam, ut dicit Paulus. In ipso sumus, uiuimus & mouemur. Coloss. 1. Omnia per ipsum consistunt.

Nec tamen Deus alligatus est ad naturam, à se conditam, ita ut non possit aliter agere, quam ut fert ordo in natura institutus, Sed libere adest suæ creaturæ seruans & sustentans eam; & uel mutans, uel moderans, uel impediens, uel tollens eam, ut Ephe. 3. dicitur: Ei qui potest super omnia & abundanter, supra quam petimus & intelligimus, sit gloria & c. Idem confirmant Miracula omnia, quibus ordo nature usitatus, Dei potentia propter piorum preces mutatus est. Recepti sunt primi Parentes, seruatus Noë in diluuiio, diuisum mare Rubrum præbuit uitam Israëlitis. Cursus Solis repressus est Ios. 10. Resuscitati sunt mortui ab Elia, Eliseo, Christo, Apostolis & c. Deniq; infinita sunt exempla mirandarum liberationum, quæ diuinitus contigerunt sanctis, cum omnibus causis secundis destituti essent. Hæc commonefactio & uera est, & ad Inuocationem Dei necessaria est.

PUGNANTIA cum articulo de Creatione sunt,

sunt, Omnium sapientum extra Ecclesiam falsa opi-  
niones de primordijs rerum.

Aristoteles in Octauo  $\Phi\upsilon\sigma\iota\kappa\omega\varsigma$  ἀκροῦσεως, con-  
tendit Mundum eternum esse.

Stoici duo rerum omnium principia posuerunt  
Deum & Materiam.

Democritus & Epicurus Mundum ex Atomis  
componunt temere & casu concurrentibus, & quo-  
tidie nouos Mundos oriri & occidere fingunt.

Thales, qui proxime uidetur ad Mosis sententi-  
am accedere, dixit aquam esse principium rerum.

Deniq; magna uarietas est discrepantium opi-  
nionum, de principijs & causis omnium rerum, effi-  
cientibus & materialibus apud Philosophos, quas  
Aristoteles in primo  $\pi\epsilon\gamma\iota$  ἀρχῶν collegit.

### III.

## DE PROVIDENTIA.

Apud Philosophos, ut apud Ciceronem in secun-  
do de Natura Deorum, & Platonem in Decimo de  
Legibus & alibi, quatuor sunt præcipuæ Questio-  
nes de Deo.

- I. An sit Deus.
- II. Qualis sit.
- III. An hic Mundus Dei consilio conseruetur &  
administretur.
- IIII. An Deus curet genus humanum, et an flecta-  
tur hominum precibus ac sacrificijs.

Etsi autem multi furenter negant esse prouidentiam, tamen contra hanc Epicuræorum amentiam confirmat nos Deus testimonijs illustribus & immotis, non solum patefactionis & uerbi sui, sed etiam totius ordinis à se in pulcherrimo hoc Mundi opificio instituti, quod in hoc Capite describitur. Illustrissima enim Prouidentiae testimonia sunt, uniuersum hoc theatrum totius naturæ rerum, ipsa mundi figura, cœlum, Sol fons lucis & caloris uitalis, Luna certis uicibus lumen à Sole recipiens, rati & immutabiles Solis, Lunæ & omnium astrorum cursus, & motuum leges certe ab hominibus Deo ducente peruestigatam Syrii, Arcturi, Orionis, & cæterarum Stellarum pulchritudo, numerus, & magnitudo, uices dierum ac noctium, uices temporum anni, ueris, æstatis, autumnii, hyemis ad utilitatem rerum nascentium accommodatæ, Terræ situs & fecunditas, omnes res terra nascentes, gemmæ, Metalla, plantæ, arbores, herbæ, flores, fructus, Mare, fontium & fluminum perennitas, pisces, Animantia, & in his tanta uarietas, & specierum perpetuitas, propagatio & generationis modus, deniq; Homo ipse & in corpore humano singularum partium constructio, situs, coagmentatio, substantia, figuræ, qualitates, uires & actiones certis usibus destinatæ. Et in Mente Hominis naturales noticiæ de Deo, & discrimine honestorum & turpium, & iudicium conscientie in re recte & secus factis, Quæ omnia cum aspiciamus fatere cogi-

ri cogimur, ut in primo ἀπομνημονοματώρ Xenophon ait, τὰυτὰ σοφῶς τινος δὴμουργῶς καὶ θεολογῶς τέχνημα εἶναι, id est, Hæc Sapientis Architecti & amantis Hominum opera esse.

Eruditissime autem hæc testimonia diuina prouidentie in cælo & in terra, exponuntur à Cicero-  
ne in Secundo libro de natura Deorum, Quem diligenter Studiosi legant, & meminerint hos Claudiani uersus.

Hæc cum dispositi cernebam fœdera Mundi  
Præscriptosq; mari fines, anniq; meatus,  
Et lucis, noctisq; uices, tunc omnia rebar  
Consilio firmata Dei, qui legi moueri  
Sydera, qui fruges diuerso tempore nasci  
Qui uariam Phœben alieno iusserit igne  
Compleri, solemq; suo, porrexerit undis  
Littora, tellurem medio librauerit axe &c.

TEXTVS.

Sed iam Mosén audiamus θεῶς ὁραπισυρ concio-  
nantem de Deo & de Creatione & prouidentia  
Dei erga nos.

In principio ) scilicet temporis & rerum, seu  
primo die, cum adhuc nihil esset præter Deum &  
illam immensam æternitatem, patefecit se Deus per  
creationem Mundi.

Numerantur autem ab hoc principio conditi  
D 3 Mundi,



Mundi, anni 5514. usq; ad hunc presentem annum à nato Christo 1552.

Creavit Deus) ברא אלהים Bara Elohim, creavit Dij. Plures personæ creatrices in una singulari essentia diuina significantur.

Cœlum & Terram) Primo die condidit Deus ex nihilo rudem, impolitam, informem, & obscuram massam, quæ fuit materia cœli et terræ, & omnium rerum cæterarum. Huic massæ eodem die lux addita est, quæ etiamsi non tam clara fuit quàm solis iubar, postea creatum, tamen ab ortu in occasum mota est, & discrimen diei ac noctis fecit. Hæc summa est operis primæ diei.

Quidam enarrant, Primo die conditum esse cœlum, id est, cœlum Empyreum seu cœlum cœlorum, habitationem Dei, Angelorum ac beatarum animarum. Et Terram, id est, materiam inferioris cœli & elementorum. Augustin. lib. 12. confessionum, cap. 20. quatuor huius primi uersus interpretationes piæ, & inter eas hanc quoq; recenset. Sed communis Doctorum sententia est, primo die creatum esse cœlum & terram, materialiter non formaliter.

Terra erat inanis & uacua : ) תהו ובוהו Thohu Vabohu, erat rudis indigestaq; moles, uacua plantis, hominibus, & iumentis, nondum instructa et ornata.

Abyssus) Significat aquam profundam. Vt Aristophanes in Ranis, ἄβυσσος πᾶν ἄβυσσος. Inæ est uerbum

uerbum  $\epsilon\upsilon\alpha\sigma\omicron\delta\omicron\mu\epsilon\upsilon\epsilon\alpha\pi$ , moliri aliquid profunde in animo, etiam insidiari. Homerus.  $\epsilon\omicron\delta\chi\alpha\gamma\omicron\pi\epsilon\upsilon\omicron\upsilon\tau\epsilon\omicron\varsigma$ , κακα δὲ φρεσὶ  $\epsilon\upsilon\alpha\sigma\omicron\delta\omicron\mu\epsilon\upsilon\epsilon\alpha\pi$ , id est, Hi bona dicebant, animis sed praua struebant. Psal. 36. Iudicia tua abyssus multa, id est, non possunt peruestigari.

Hoc loco fere Synonyma sunt, Abyssus, Aqua, Caelum, & significant molem illam aqueam, cui terra immersa erat, adhuc rudem, confusam, et tenebriofam, ex qua illustrata & digesta ac expolita, Caelum, Terra, Plantae & animantia condita sunt.

Faciem Abyssi) Facies in plerisque locis nihil addit ad significationem substantiui, cui additur, ut hic super faciem Abyssi, super faciem Aquarum, hoc est, super Abyssum, super aquas. Gen. 6. Repleta est terra in iniquitate a facie eorum.

### Et Spiritus Domini fouebat aquas,

Illustre testimonium est de Spiritu sancto. Cum igitur Ecclesia his diebus doctrinam de persona & beneficijs Spiritus sancti publice proponat, recitabo breuem explicationem huius primi dicti de Spiritu sancto, quam spero studiosis profuturam esse.

Vocabuli SPIRITVS Octo ferè significationes in Scriptura usitate sunt.

1. Nomen Spiritus in genere significat agitationem, seu naturam agentem, Nam uerbum  $\pi\upsilon\upsilon\chi$  unde  $\pi\upsilon\upsilon\chi$  deducitur, idem ualet, quod agitare seu uentilare.

II. Significat Ventum, Quia uentus est exhalatio agitata in aëre. Psalm. 103. Homo sicut fenum, dies eius, tanquam flos agri sic effloreat, Quia spiritus adflabit illum, & non subsistet. Psalm. 1. Erit tanquam puluis, quem dispergit Spiritus à facie terræ. Eccles. 11. Spiritus uia, quæ sit ignoras. Ioh. 3. Spiritus ubi uult spirat.

III. Vitam seu animam hominis communem cum bestijs. Nam anima est ζωδελέχεια, id est, Continua & perennis motio seu adsidua agitatio. Et Spiritus uitales sunt immediata sedes uitæ animalis, & inspiratione aëris aluntur. Psalm. 104. Auferes Spiritum eorum, & deficient. Psalm. 150. Omnis Spiritus laudet Dominum. Esai. 2. Cessate ab homine cuius spiritus in naribus est, hoc est, Non confidite humanis praesidijs, Nihil enim incertius est uita hominis, quæ subito efflari potest, Nam aëre ducto per nares spiritus uitalis alitur & refrigeratur.

IIII. Motus & affectus hominum creatos. Psalm. 32. Humiles spiritu saluabit. Psalm. 51. Sacrificium Domini Spiritus contribulatus. Esai. 66. Ad quem respiciam nisi ad contritum Spiritu. Prouerb. 17. Spiritus tristis exiccat ossa, hoc est, Tristitia paulatim absorbet hominem.

V. Doctrinam & dona Spiritus sancti. 1. Cor. 14. Spiritus Prophetarum Prophetis subijcitur, hoc est, enarrationes, dogmata, sententiæ interpretum scripturæ, possunt mutari aut corrigi ab alijs peritionibus,

ribus, 1. Theff. 5. Spiritum ne extinguatis, id est, dona Spiritus sancti. 1. Ioh. 4. Non omni Spiritui credite, sed probate spiritus an ex Deo sint, id est, non omni dogmati credite, Omnis Spiritus qui confitetur Iesum Christum in carne uenisse, ex Deo est, hoc est, Omnis doctrina, quæ hoc unice spectat, ut doceat Iesum Christum Dei filium uenisse in carne, passum, mortuum, redemptorem nostrum & saluatorem unicum esse, ea procul dubio uera est.

VI. Animam rationalem Hominis. Psal. 30. In manus tuas commendo Spiritum meum. Act. 7. Domine Iesu suscipe spiritum meum. 1. Cor. 2. Spiritus Hominis, qui est in Homine.

VII. Naturam incorpoream quamcumq; Luc. 24. Spiritus carnem & ossa non habet. Psal. 103. Qui facis Angelos tuos spiritus. Ioh. 4. Deus est Spiritus.

VIII. Significat SPIRITVM SANCTVM, qui est tertia persona diuinitatis, procedens à Patre & Filio,  $\delta\mu\omicron\sigma\sigma\iota\omicron\varsigma$  &  $\sigma\omega\acute{\alpha}\iota\delta\iota\omicron\varsigma$ , hoc est, consubstantialis et coæterna Patri et Filio, quæ in prima conditione fouit et uiuificauit omnes res nascentes, et postea omnibus temporibus mittitur in corda hominum, ut per Euangelion in eis accendat lucem et ueram agnitionem Dei, et

D 5 fidem,

fidem, & sit Paracletus fouens, consolans & uiuificans corda spiritali & æterna iusticia & uita. Vt enim in Homine Spiritus uitalis immediatum organum est uite animalis, impertiens uim exercendi actiones omnibus membris, Sic Spiritus Dei immediatum organum est uite spiritalis, efficiens ueram agnitionem Dei, timorem, fidem, dilectionem, fortitudinem in confessione, humilitatem & omnes uirtutes cum eo congruentes.

Quod autem Spiritus sanctus sit uere & natura Deus, clarè testatur hæc ipsa narratio Moysi. Nam creare & impertire uitam creaturæ opus est proprium naturæ diuinæ & omnipotentis. Tribuitur autem Spiritui sancto creatio. Psal. 33. Verbo Domini cœli firmati sunt, & spiritu oris eius omnis exercitus eorum.

Et in huius capituli sententia, pro eo quod nos habemus, ferebatur, in Hebræo legitur מֵהֶפֶת Me-  
ra Hepheth, hoc est, fouebat uiuificans uitali calore, sicut auis incubans fouet oua, eisq; uitam & uigorem impertit. Sic etiam interpretatur Ieronimus. Et Basilius Syrum quendam huius Interpretationis testem citat. ὁ ἔπειφῆρετο φκοῖρ δὲ γῆντῃ ἀντὶ τῆ συνέδαλπε καὶ δὲ ζωογόνε πλὴν πῶ ὑδάτων φύσιν καὶ πλὴν εἰκόνα ἐπαζῆσης ὄρνιθος καὶ ζῶωνων τῖνα δύναμιρ ζῳείσης τοῖς ὑποδαλπο-  
μῶσις.

¶ *Quoq; Ex hac enarratione sumta est hæc dulcis  
precatio Philip: Melanth.*

*Spiritus ut Domini nascentia corpora fouit,*

*Cum manus artificis conderet ipsa Dei :*

*Sic foueat cœtus, qui Christi oracula discunt,*

*Accendatq; igni pectora nostra suo.*

### Fiat Lux .

*Mira & imperuestigabilis est natura Lucis,  
quam & corporibus cœlestibus, & nostris oculis ac  
mentibus Deus indidit. Etsi igitur non possumus di-  
cere aut penitus intelligere Quid sit lux, tamen uo-  
cabuli significationes diuersas, aliquomodo decla-  
rari, iunioribus prodest.*

*Primum autem in Scriptura LVX significat,  
cœli, Solis, Lunæ, stellarum, ignis, aëris, aquæ, lumen,  
quod ostendit res cæteras, & oculis corporeis per-  
cipitur.*

*Deinde, In Oculis uelut flammula lucida est, de-  
riiuata à luce cœlesti, quæ impertit oculis uim ui-  
dendi.*

*Tertio. Ut oculis res propositas aspiciamus et co-  
lorum discrimina dijudicamus, ita mentibus nostris  
diuinitus insita est lux, qua Deum agnoscimus, et di-  
scrimina honestorum & turpium cernimus, et ordi-  
nem, numerum, distinctionem, naturam & proprie-  
tates rerum à Deo conditarum quasi aspiciamus.  
Ideoq; uerbum Dei passim in scriptura uocatur lu-  
cerna,*

cerna, lumen, lychnus, quia in nostris mentibus accendit lucem ueræ agnitionis essentiæ & uoluntatis Dei, & tenebras ignorationis & dubitationum depellit.

Quarto. Filius Dei sæpius nominatur lux, primum quia est ἀπ᾿ ἀγαθῶν seu splendor lucis paternæ, Ebr. 1.

Deinde, quia cum post lapsum lux mentibus humanis insita, densa & tetra caligine obscurata esset, missus est, ut per Euangelion nouam lucem recte agnoscentem Deum, & uitam æternam in hominibus instauraret, ideo dicitur Iohan. 1. Erat lux illa lux uera, quæ illuminat omnem hominem. Iohan. 8. Ego sum lux Mundi. Luc. 2. Lumen ad reuelationem gentium, hoc est, ad illuminandas gentes ueræ agnitione Dei.

Quinto. Deus est ipse lux quædam admiranda, 1. Iohan. 1. Deus lux est. Iacobi 1. Descendens à Patre luminum, in quo non est obumbratio. 1. Timoth. 6. Habitans lucem inaccessibilem. Sunt & Angeli nature lucidæ, ut Psal. 103. dicitur. Et Chrysostomus inquit, εὐτὸροῦ φωῶς, μετὰ δὲ πρῶτοῦ, ὃ ὄσι δὲ φωῶς πῶ φῶτωρ λέγει ὁ ἄγγελος. Sed hæc sublimiora mitto.

Sexto. Vsiatissimum uocabulum lucis in sacra Scriptura significat ueram noticiam Dei, consolationem, uitam, liberationem ex morte & calamitatibus,

tibus, & omnes res optimas. Econtra tenebrae significant ignorantiam Dei, peccatum, mortem, & tristissima mala, ut Esai. 9. Populus qui ambulabat in tenebris, uidit lucem magnam, id est, totum genus humanum oppressum peccato, ira Dei, liberatur ex his malis per filium Dei.

Esai. 60. Surge illuminare Ierusalem.

Mich. 7. Cum sedero in tenebris, Dominus lux mea est, hoc est, in doloribus & ærumnis Deus me consolatur & sustentat.

2. Cor. 4. Deus Mundi huius excœcauit mentes incredulorum &c.

Hanc commonefactionem de uocabulo lucis spero Studiosis utiliore fore, quam coaceruationem plurimarum inutilium & curiosarum Questionum, quas multi in hoc loco cumularunt.

Consentaneum est hanc lucem primo die creatam ab ortu in occasum motam, aliquod discrimen diei & noctis fecisse, usq; ad quartum diem, quo Sol conditus est, qui inferiorem hanc mundi machinam illustrauit, & lucem primo die conditam auxit.

Vespere & mane dies unus ) Iudei initium diei capiunt à uespere. Hinc intelligi potest, quomodo Christus uno & eodem die Pascatis, & celebrauerit Pascha Iudaicum uespere, & ipse uerum pascha in ara crucis immolatus sit, hora diei artificialis sexta.

Astro-



Astrologi à meridie inchoant diem.

Christiani à media nocte.

Itali & Silesij horas diei etiam à uespera numerare incipiunt.

Initium anni apud Iudeos ab æquinoctio uerno. Apud nos à Solstitio hyberno. Apud Græcos à Solstitio æstiuo sumitur.

Vnus:) Id est, Primus. Marci 16. Vna Sabbatorum ueniunt ad monumentum, id est, prima die septimane.

1. Corinth. 16. Vna sabbatorum fiat collectio, id est, die Dominico, qui est primus dies post Sabbatum.

Act. 20. Vna sabbatorum conueniebant Discipuli ad distribuendam Cœnam Domini.

## SECUNDVS Dies.

### Fiat Firmamentum.

Firmamentum nominat totam ætheream regionem & omnes Sphæras quæ ab Astronomis distribuuntur, uidelicet primum mobile, firmamentum seu spheram Stellarum fixarum. ♄. ♃. ☉. ♀. ☿. ☽. Saturni, Iouis, Martis, Solis, Veneris, Mercurij, Lunæ.

Hi septem orbes Planetarum & octauus Stella-

rum

rum fixarum, præter diurnum motum, quo ab ortu in occasum quotidie semel circum terram circumaguntur, habent etiam alium proprium motum priori contrarium, quo super polis Zodiaci, contra motum primi mobilis, ab occasu uersus ortum leniter contrahuntur, ac quo longius à primo mobili ab sunt, eo celerius proprio motu ab occasu uersus ortum progrediuntur, ut Luna 27 diebus et octo horis semel Zodiacum ab occasu uersus ortum peragrat. Sol, Venus, Mercurius, annuo spacio eundem cursum conficiunt, Mars uno anno, 321 diebus. Iupiter 11 annis, 312 diebus. Saturnus 29 annis, 155 diebus.

Vt autem amplitudo sapientie ac bonitatis diuine, in fabricando hoc immenso & mirando cœli opificio, & ordinandis motuum immotis legibus, aliquo modo aspici possit, tota doctrina Astronomica huc referenda est, quæ figuras, magnitudines ac interualla cœlestium corporum, constantes ac fixos in tanta uarietate Syderum cursus, & ex his pendentes temporum distinctiones, stellarum uires, & efficaciam in cienda hac inferiori natura demonstrat.

Interualla & amplitudines cœlestium orbium, ut ab Astronomis traduntur, ex hac Tabella sumi possunt.

Semi-

<i>Semidiameter maximi circuli in Orbe.</i>	☾	<i>habet Semi- diametros Terra</i>	$18 \frac{11}{12}$
	♃		$116 \frac{1}{2}$
	♄		$64 \frac{1}{4}$
	☉		$1165 \frac{5}{12}$
	♂		$5032 \frac{1}{12}$
	♁		$11611 \frac{1}{2}$
	♃		$17225 \frac{1}{4}$
<i>stellar: fixarū.</i>	$20081 \frac{1}{2}$		

Continet autem unus Semidiameter Terra miliaria Germanica 860.

De inde ipsorum corporum seu Planetarum magnitudines, ex proportione suorum dimetientium ad dimetientem terra colligi possunt. Nam proportiones corporum sunt triplicata suorum dimetientium, Triplicantur autem proportiones per multiplicationem cubicam Terminorum. Ut dimetiens Saturni habet se ad dimetientem.

- Terra, sicut 9. ad 2.
- Iouis, sicut 32. ad 7.
- Martis, sicut 7. ad 6.

Solis

Solis, sicut 11. ad 2. & c.

Est igitur Saturnus maior terra 91.

Iupiter excedit terram 95.

Solis magnitudo superat terram 166.

Luna est una quadragesima pars Terræ.

Ac corporum Solis, Terræ & Lune proportionibus illustri demonstratione peruestigat Ptolemæus libro Quinto Almagesti, ubi de Canone Parallaxium condendo agit. Ab hoc artifice plura de certissimis & constantissimis, in magna uarietate corporum cœlestium, motibus, ad Secundi diei opus illustrandum, studiosi petant. Nunc Vocabula quædam declarabo.

Firmamentum) רַקִּיעַ Rakia apud Ebreos expansum quiddam, seu extensum significat. Ut enim in castris tentoria expanduntur, quæ tegunt milites, uel ut Vesica extenditur, inflato aëre, ita uerbo Dei aqua in hanc cœli formam extensa est, ut dicitur, Psalms 103. Qui extendis cœlos tuos quasi tentorium. Zach. 12. Dixit Dominus extendens cœlos. Iob 9. Ierem. 51. 1. Pet. 3. Cœlum & terra ex aqua & per aquam uerbo Dei constituta sunt. Ideoq; Cœlum Ebreis ab aqua nomen habet.

שַׁמַּיִם Schamaim, hoc est, ibi aquæ.

Græcis οὐρανὸς dicitur ἅπλῃ τῷ ἄνω ὀρατῶ. Nā Deus

Os homini sublime dedit, cœlumq; uidere

luserit, & erectos ad sidera tollere uultus. Alij

οὐρανὸν dici putant, quod sit ἅπλῃ τῷ ἄνω ὄρατος.

E Vocatur

Vocatur Olympus quasi ὀλολαμπής, Quia est lucidum corpus. Et aether dicitur ab αἴθερῳ flagro, splendo, seu ut Aristoteles scribit, ἀπὸ τοῦ αἰεὶ θῆναι, à perpetuitate motus.

De Aquis supra Caelos, quales sint, & ad quid utiles, nouit ipse, qui condidit, ut Bedæ uerbis utar. Esse tamen aquas supra caelos, & ex hac Moysi narratione, & ex Psalmo 103. perspicuum est.

Finxerunt autem aliqui Aquas ideo supra caelum collocatas esse, ut postea fenestris caeli apertis decedentes, Mundum Diluuiò obruerent, aut ut motuum caelestium ardorem rigent. Sed hæc incerta relinquamus, nec tamen allegorias comminiscamur, Sed ut hoc loco Basilivs ait, Ἐν ὕδατι, ὕδατι νοησώμεθα.

Obseruetur autem multiplex significatio Vocabuli caelorum. Primum enim Caelum in scriptura regionem Mundi ætheream seu orbis caelestes significat. Deinde ærem. 2. Reg. 8. Si clausum fuerit caelum & non pluerit. Tertio, Habitationem Dei & beatarum animarum. Quarto, Conspectum Dei & iusticiam, gaudium, uitam æternam, & omnia beneficia, quæ Deus propter Christum pijs donat, Marc. 10.

### TERTIUS DIES. Terra & Plantæ.

Stoicorum dictum à Cicerone laudatur, Omnes res

res ceteras ad utilitatem hominum esse conditas, Hominem autem ortum esse, ut Deum agnoscat & imitetur. Priusquam igitur Deus hominem fabricet, pulcherrimum domicilium ædificat, in quod hominem collocaturus est, ac secundo die Tectum eius domicilij miranda arte & pulchritudine ornatum extruxit, Nunc tertio die primum ædificij fundamentum ponit.

Conferatur autem ad huius diei opus illustrandum Psalmus 103. qui totus est Gratiarum actio pro creatione. Qui fundasti Terram super stabilitatem suam, non inclinabitur in seculum seculi. Abyssus (Mare) sicut uestimentum amictus eius (Terra) super montes stabunt aquæ, Qui emittis fontes ex conuallibus, rigans montes de superioribus eius, de pluuia satiabitur terra &c.

De Terræ situ, figura, immobilitate & magnitudine, ex Sphæricis elementis & Physica discendum est. Pueri hos Versus meminerint.

Terra pile similis, nullo fulcimine nixa,

    Aëre sublimi tam graue pendet onus.

Cum te pendenti reputas insistere Terra,

    Nonne uel hinc clarè conspicis esse Deum.

Ambitus maximi circuli in globo Terreno est milliarium Germanicorum 5400.

Diameter Terræ est milliarium 1718.

Conferatur autem ad hanc partem operis tertij diei illustrandam tota doctrina de Terra, de diuer-

    E 2      sis teræ

sis terræ regionibus, quarum aliæ fecunditate, aliæ amœnitate, aliæ splendore urbium, aliæ alijs donis antecellunt, de metallis, quæ eruuntur ex terra, uide licet, Auro, Argento, Ære, Ferro, Stanno, Plumbo, Orichalco, de lapidibus, de marmoribus, magnete, Pyritis, de lateribus, de Gemmis, Adamante, Achate, Smaragdo, Beryllo, Ametisto, Hyacintho, &c. de Calce, de Sale, de Stagnis, de Fluminibus, de Fontibus, de Thermis &c.

Germinet Terra Herbam uirentem.) Ut facti, priusquam nascatur, præparat Deus uictum in uberibus matris: ita priusquam homines conderet, Terram plantis instruxit, ut esset Penu ex quo Homines alimenta necessaria depromerent.

Sunt autem in hac parte operis tertij diei, plurima prouidentie diuinæ testimonia illustria.

1. Conseruatio uniuersalis & perpetuus ordo & propagatio specierum, Distinctarum in singulis plantis, & quod ex similibus similia gignuntur, ut ex tritico triticum, ex ceraso cerasus, non olea, ἐκ τοῦ πυρῶ πυρῶς ἀλλὰ μὴ ἐλαία, ut in Secundo de Generatione Aristoteles inquit.

2. Modus propagationis seu generationis plantarum, uidelicet, quod ex radice uel granulo in terram coniecto, & putrefacto, eiusdem speciei plantæ nascuntur, & cum terra gremio mollito atq; subacto semen sparsum accepit, primum id occatum cohibet, deinde tepesactum uapore & complexu suo diffun-

diffundit & elicit herbescentem ex eo uiriditatem, quæ nixa fibris stirpium sensim adolescit, culmoque erecta geniculato fundit frugem Spicæ ordine stru-ctam &c. ut in Catone Ciceronis dicitur.

Estq; hæc ipsa frugum generatio illustris imago resurrectionis nostrorum corporum. Vt enim Semina humo condita non gignunt fruges, nisi prius putrefacta & corrupta, sic corpora nostra non resuscitantur, nec glorificantur, nisi prius sepulta in terra, & quoquo modo consumta sint, 1. Corinth. 15. & Iohan. 12.

3. Varietas prope infinita arborum, fructuum, herbarum, frugum, panis, fructuum, florum, leguminum, olerum, succorum, liquorum, & ceterorum terra nascentium, quarum nomina & descriptiones peti possunt ex Theophrasto, Plinio, Dioscoride, Ruellio, & alijs qui stirpium historiam scripserunt. Pueri hoc Stigelij distichon meminerint.

Et mihi planta suis nomen demonstrat ab Herbis,

Præsentemq; refert quelibet herba Deum.

4. Vires mirandæ & arcane, singulis terra nascentibus ad uarios morbos depellendos inditæ.

5. Fœcundatio terræ, quæ luminum coelestium uiribus alias fœcundo calore tepescit, alias rigatur, alias arefcit, alias astricta gelu quiescit, Et ortus ac occasus Syderum ad ciendas singulis anni temporibus tempestates, rebus nascentibus conuenientes, ordinati sunt.

E 3 6. Cunctæ



6. Cunctæ res terra nascentes, ad animantium  
& præcipue hominum uictum & alias utilitates  
destinatæ sunt.

## QVARTVS

### Dies.

#### Fiant Luminaria.

Quarto die Cœlum expolitur Sole, Luna, &  
Stellis, Horum pulcherrimorum luminum utilitates  
quatuor Moses recenset.

I. Faciunt discrimina diei & noctis, ut sit inter-  
uallum laboris & quietis, sicut Psalm. 102. dicitur,  
Ortus est Sol, exhibit homo ad opus suum, & ad la-  
borem suum usq; ad uesperam. Et congruit Cicero-  
nis dictum. Diei noctisq; uicissitudo conseruat ani-  
mantes, tribuens aliud agendi tempus, aliud quies-  
cendi. Hunc ordinem temporum à Deo & natura  
prescriptum confundere, multum & moribus &  
ualetudini obest.

II. Præbent lucem toti rerum nature & præci-  
pue hominibus.

III. Sunt Signa.

1. Prouidentia Dei. Nullum enim illustrius testi-  
monium est, conuincens nos, Mundum ab aliqua men-  
te sapiente & ortum esse, & conseruari, quam aspe-  
ctio

Ratio & consideratio naturæ, luminis, efficacie & mirandorum motuum, qui Soli, Lunæ, & cæteris Planetis ac Stellis fixis diuinitus attributi sunt. Ideo uere inquit Plato in Timeo, Oculos eam ob causam præcipue hominibus datos esse, ut conspectis Syderibus & certissimis Syderum motibus, duces essent ad agnitionem Dei. Et in Epinomide ait, Gratiam de Deo famam in astris & doctrina astrorum sparsa esse. Quæ sententia hoc uenustissimo disticho expressa est.

ἄστρα μὲν αὐτὰ πέλα θεῶν σὺμῆα προνοίας  
μακροῦ δ' ἢ ἄστρον δεωσιῶν διδασχῆ.

Astra quidem sunt ipsa Dei certissima signa,  
At doctrina Deum certius ista docet.

Plurima etiam uestigia diuinitatis & imagines Christi, & ac Ecclesiæ in Solis & Lunæ corporibus proposita sunt. Vt enim in Sole sunt lumen ἀπανάγασμος & calor, ita in una essentia diuina tres personæ inter se distinctæ & tamen ὁμοῦσιοι sunt. Item, ut Sol lucem suam impertit Lunæ & omnibus Stellis, ita filius Dei est lux uera, illuminans omnem hominem uenientem in Mundum. Item, ut Sol in perigeo cum longissime uidetur à uertice nostro abesse, tamen terræ proximus est, ita Christus in ærumnis cum plane nos deseruisse uidetur, nobis proxime adest, & opem ac salutem optatam adfert.

E 1 .Sunt

2. Sunt signa pluviarum seu tempestatum, quae certorum Syderum ortibus & occasibus efficiuntur: Vt in elegantissimo Stigelij Carmine dicitur.

Ergo ubi nocturno rorantem Pleiada lapsu  
Arduus ad ueris tempora cardo tenet,  
Observans timidus pendentem rusticus imbrem,  
Sit bonus hic teneris frugibus imber ait:  
Occidit eous Maia comitatus Orion,  
Et sata coelesti condita spargit aqua.  
Afflat anhelantem maturis frugibus aestum,  
Pressa licet uentis mollibus orta canis.

Huc etiam prognostica, quae à Sole & Luna sumuntur, referenda sunt.

3. Ira Dei & impendentium poenarum, quas praedicit Deus Eclipsibus & Planetarum insignibus coniunctionibus uel oppositionibus, Luc. 21. Erunt signa in Sole & Luna, & Stellis.

4. Morum in communi uita, ut apud Plutarchum pag. 465. Moralium dicitur, Quemadmodum Sol, cum altissimus est, tardissime mouetur, sic principes in maximis successibus, in summum fastigium euecti, sint modestiores & cunctantiores.

Basiliius inquit, Lunae luminum uarietatem significare, quod nihil in rebus humanis stabile sit.

Lusus fortunae, uariatur imagine Lunae  
Crescit, decrescit, constans consistere nescit.

IIII. Statae uices temporum Anni, & festorum  
& spa

et spacia dierum, mensium, annorum, beneficio motuum Solis et Lune animaduersa et distributa sunt. Ac temporum distinctio nobis in Ecclesia precipue necessaria est, ut initia mundi, exordia religionum, seriem diuinarum patefactionum, collectae et instauratae Ecclesiae, ordinem imperiorum scire possimus, Cum autem sine obseruatione cursus et interuallis ac spacijs motuum Solis et Lune, anni, mensium, et dierum metae cerni nequeant: sciamus mandato diuino nobis hic praecipere, ut doctrinam Astronomicam considerantem Solis ac Lune et ceterorum Syderum motus, magnitudinem, distantiam, efficaciam, summo studio excolamus.

Obseruent autem hic studiosi uocabulorum significationes. Hebraea dictio  $\text{רָבִיעַ}$  non tanquam quatuor anni tempora uer, astatem, autumnum, hyemem, aut mensuram motus, more Physico denotat, sed phrasi Scripturae etiam dies festos significat, quibus homines ad cultum diuinum conuenire solent, a  $\text{רָבִיעַ}$  et  $\text{רָבִיעַ}$  quod etiam conuenire et congregari significat. Ac ut Iudaeorum festa legitime celebrarentur aliqua motuum obseruatione, et certa anni ratione opus fuit. Nam Pascha 14 die primi mensis Lunaris Synodici seruandum erat. Considerandus igitur fuit Lune cursus, initium anni, ingressus Solis in Arietem, et coniunctio Solis et Lune, quae aequinoctio uerno proxima erat, a qua dies quatuordecim numerandi erant usque ad festum Paschae etc.

E S DIES

**DIES** significat spacium temporis, quo Sol motu primī Mobilis ab ortu uersus occasum semel circa terram reuoluitur. Estq; 24. horarum, & 4. minutorum.

**ANNVS** est tempus, quo Sol motu proprio, ab occasu uersus ortum semel totum Zodiacū peragrat. Estq; dierum 395. horarum 5. min. 49.

**MENSIS LUNARIS SYNODICVS**, est Tempus ab una coniunctione Solis & Lunæ ad proxime sequentem, & continet dies 29. horas. 12.

**MENSIS LUNARIS PERIODICVS** est Tempus, quo Luna motu proprio ab occasu uersus ortum semel totum Zodiacum peragrat, quod fit diebus 27. horis 8.

**MENSIS SOLARIS** est Tempus, quo Sol motu proprio conficit unum signum Zodiaci, uidelicet dies 30. horæ 10.

*Vsi sunt autem Iudæi mensibus lunaribus Synodicis, quorum duodecim efficiunt dies 354. His addiderunt undecim dies Epactas, ut cum Solis motu congruerent,*

gruerent, ut ex historia Nohe animaduerti potest.

Nostri menses in Calendarijs nunc usitatis, nec ad Lune, nec ad Solis motum congruunt, Sed ita distributi sunt à Iulio Cesare & ad ciuiles usus accommodati, ut Anni quantitas constaret certa & inuariabilis.

Sed integra descriptio Anni, diuersorum mensium, dierum, Aurei numeri & c. ex libellis Sphæricis, Theoricis & Computo sumatur.

Luminaria magna: ) Scilicet qualitate luminis, non quantitate magnitudinis, de qua Ptolemæus libro Quinto differit, qui docet proportionem Diametri Solis ad Diametrum Terræ esse, sicut 11. ad 2. Hinc proportio corporum colligitur terminis cubice multiplicatis, sicut 166. ad 1.

Proportio Diametri Terræ ad Diametrum Lunæ eodem loco à Ptolemæo demonstratur, esse sicut 17. ad 5. Est igitur Luna una quadragesima pars Terræ.

Intueantur autem Stodiosi, non modo Solem & Lunam, sed etiam cæteros Planetas, Iouem, Saturnū, Martem, Venerem, quæ cum præcedit ortum Solis, Lucifer, cum sequitur obitum Solis, Hesperus uocatur. Et aspiciant etiam stellas fixas, & discant nomina & positus aliquarum quæ sunt insignes.

Ac in Biblijs Amos. 5. & Iob 9. 37. 38. nominantur Pleiades, Arcturus, Orion, Hyades.

Astronomi ueteres 1022 stellas obseruarunt. easque in qua-

in quadraginta octo Imagines conformarunt, Quas Asterismos nominant.

In Zodiaco duodecim signa.

Sunt Aries, Taurus, Gemini, Cancer, Leo, Virgo, Libraq;, Scorpius, Arcitenens, Caper, Amphora, Pisces.

In Arctoa parte cœli 21. in Notia 15. numerantur.

Maxima autem illustres stelle sunt, quas prima Magnitudinis Astronomi uocant, Sirius, Arcturus, Cor Leonis, Spica Virginis, Oculus Tauri, Lyra, Capella, Dexter Humerus Orionis, Procyon, &c.

De Ortibus & Occasibus Stellarum libellos sphericos, & Plinium lib. 18. à cap. 25. usq; ad 31. Studiosi si legant.

## QVINTVS Dies.

### Piscium & Auium Creatio.

Quinto die Pisces & Aues ex aquis conduntur. Vbi PRIMVM consideretur testimonium omnipotentiae diuinæ, quod ex una eademq; materia, uiselicet Aqua diuersissimorum animantium natura fabricate sunt, ita ut Pisces tantum in aqua labill natent, Aues autem pleraq; in aqua stabili seu aëre tantum uiuere possint.

SECVNDO. Varia genera, adpellationes, natura, *συμπάδια* & *ἀντιπάδια* & integra descriptio

scriptiones piscium ac auium, ad huius diei opus illustrandum, ex Plinij lib. 9. 10. 31. 32. & ex Aristotelis libris de generatione, de partibus, & historia animalium transferantur.

Precipue autem admiratione digna sunt Simulacra uirtutum & uitiorum, quæ Deus sparsit in animantia, ut nos ad uirtutem inuitarent, et à uitijs dehortarentur.

Apum prudentia, castitas, obedientia erga Regem, sedulitas, labor, frugalitas, à Plinio lib: 11. ab Aristotele lib. 9. Historiæ Animalium, & à Virgilio lib. 4. Georg. celebrantur.

Ciconiæ Parentes senio confectos alunt & gestant, unde est uerbum ἀντιπελαργῆρ. Dicuntur & iura Coniugij seruare & adulteros rostris necare.

Columbarum etiam pudicia celebris est, Seruant enim coniugij fidem inuiolatam, nec rumpunt fœdus, nisi alter uiduus aut uidua fiat, seruant communem domum, sunt fœcundæ, Ideo uetustas finxit eas trahere currum Veneris.

Halcyon & Ceyx uerum & syncerum amorem mutuum, qualis inter Maritum & Coniugem esse debet, adumbrant

Lucinæ sunt Musicæ.

Anserum uigilantia prædicatur.

Pauo superbiæ & humilitatis imaginem refert, exponit gemmantes colores caudæ, & seipsum spectat



stat ac ostentat spectantibus, sed cum pedes deformes intuetur, statim demittit pennas.

Cuculi ingratitude nota est.

Corui sunt ἄσσοποι, deserunt pullos implumes, quibus fame pereundum esset, nisi Deus ita ordinasset, ut ex carnibus cadauerum in nidos congestis, & ex stercore uermiculi nascerentur, quibus tantisper pulli alantur, donec adolecant. Ex hac historia natura Coruorum intelligi potest, cur in Gratiarum actione ad Mensam hic Versus Psal. 146. recitatur. Qui dat iumentis escam ipsorum & pullis coruorum inuocantibus eum.

Passerum salacitas omnibus nota est, Cum autem hanc uilem auem, quæ propter salacitatem non extendit uitam ultra biennium, curet & seruet Deus, quanto magis nos seruabit, Matt. 10. Sic multis Christi & Prophetarum concionibus lucem adfert consideratio naturæ animantium, quorum creatio in hoc capite describitur.

TERTIO. Vocabulorum significationes obseruentur.

Reptile animæ uiuentis:) id est, reptilia uiuentia, id est, pisces maris & fluminum. Reptilia enim uocant Ebræi animantia quæcunq; pedibus carent.

Cete grandia:) Vox Ebræa Thammim proprie significat animalia illa oblonga, quæ præ se ferunt formam Serpentis. Hic tamen accipitur pro animalibus

libus aquatilibus immensa magnitudinis. Et doctrina  
 prouidentiae traditur, Cum Deus ingentia illa mon-  
 stra marina nutriet: multo magis nostra corpora  
 multo minora & ipsi cariora alet.

κῆτος κῆτεος, in plurali κῆτα latine Balenas si-  
 gnificat, quarum monstruosam magnitudinem aliqui  
 uestrum ex duabus costis, quas Vitebergæ in Tem-  
 plo Arcis sitas uiderunt, æstimari possunt.

Omniem animam uiuentem, id est, Omnia anima-  
 lia uiuentia.

Benedixitq; illis: id est, fecunda reddidit, ut  
 experientia comprobat singularem piscium & auis-  
 um fecunditatem esse. Significat autem uox Bene-  
 dicere aliàs Gratias agere seu laudare, ut Psalmo  
 102. Benedic anima mea Domino. Luc. 1. Benedictus  
 Dominus Deus Israel: aliàs, bona precari, ut Iacob  
 benedicit filiis: aliàs benefacere, ut cum Deus bene-  
 dicit, Nam Dei dicere est facere. Aliàs significat  
 remissionem peccatorum, gratiam Dei & omnia be-  
 neficia, quæ Deus propter Filium credentibus ex-  
 hibet, ut in promissione tradita Abraham: In Semine  
 tuo benedicentur omnes Gentes, Quam Paulus Gas-  
 lat. 3. enarrat.

De Auium generatione, Ouis Incubatione, for-  
 matione & exclusionem pullorum legent Studiosi  
 Aristotelem lib. 6. Historiæ animalium ab initio  
 usq;

usq; ad cap. 10. Et Plinium lib. 10. cap. 52. 53. Et Albertum lib. 16. Tractatu primo.

De Piscium & aquatiliu foetura & prolificacione legatur Aristoteles lib. 6. Historiae Animalium cap. 10. 11. 12. 13. & c. Et lib. 5. cap. 5. 6. 7. 10. 11. 12.

## SEXTVS DIES.

### Animalia Terrestria & Homo.

Animam uiuentem: Synecdoche & Enallage numeri, Animam uiuentem, id est, Animalia uiuentia, In genere suo, id est, uaria genera animalium.

Partitur autem ea in tres Classes. Iumenta. **בהמה** Behema quae nos in operibus domesticis in arando aut rebus transuehendis iuuant, ut boues, equi.

Reptilia sunt humi repentia, ut serpentes.

Bestiae terrae sunt ferae, ut Leones, Ursi & c. de quorum animalium formis, appellationibus, naturis, doctrina ex Plinio, Aristotele, Alberto, Basilio & alijs huc referatur.

Faciamus Hominem ad imaginem & similitudinem nostram.

Amplissima sapientia, quae penitus exhauriri non potest,

poteſt, in hoc breui dicto, quod deſcribit hominis conditionem, continetur. Primum autem dicant de Imagine Dei in Homine.

## DE IMAGINE Dei in Homine.

Proxima imago æterni Patris eſt Filius, qui effigies ſeu character ſubſtantiæ Patris dicitur. Eſtq; talis ſimilitudo imaginis in Filio & Archetypo, ut eadem ſit utriuſq; ſubſtantia, diuinitas, gloria, et maietas. Deinde & humana natura ad totius diuinitatis imaginem condita eſt.

Ac fuit hæc IMAGO non ſolum eſſentia mentis & uoluntatis, nec tantum relatio, ſeu acceptatio humani generis coram Deo, Sed etiam qualitas ſecundæ ſpeciei, hoc eſt, reſtitudo & excellens præſtantia omnium uirium hominis, mentis, uoluntatis & cordis, congruens cum archetypo, ſeu mente diuina.

Et fuit in mente lux, id eſt, illuſtris noticia Dei, & firma aſſenſio ſine ulla dubitatione, de Deo, de prouidentia, de

F pro

promissionibus & comminationibus diuinis.

In uoluntate fuit conuersio ad Deum, id est, obedientia uniuersalis, complectens ardentem dilectionem Dei & omnes uirtutes excitatas & flagrantes, & directas ad hunc finem, ut Archetypus innotesceret & celebraretur.

Postremo Cor et omnes adfectus & adpetitiones, menti et uoluntati obtemperabant, nec ulla in re ab eis dissentiebant. Ideoque Cor expers omnis pauoris ac tristitiæ, in perpetuo & ardentissimo gaudio Spiritus sanctus uiuebat. Hæc descriptio Imaginis Dei ex Pauli testimonijs coaceruata est.

Coloss. 3. Induite nouum hominem, qui renouatur ad agnitionem iuxta imaginem conditoris.

Ephes. 4. Renouamini Spiritu mentis uestræ, & induite nouum hominem, qui ad imaginem Dei creatus est, in Iusticia & sanctitate uera.

2. Cor. 4. Nos autem omnes resecta facie splendorem Domini intuentes, in eandem imaginem transformamur, à claritate in claritatem, tanquam à Domini spiritu.

Ethnici quoque, uel ex doctrina sanctorum Patrum

TRUM

erum, uel naturali luce intellexerunt, Hominem esse  
Imaginem Dei, & dignæ memoria sunt sententiæ Ma-  
niliij lib. 4.

Exemplumq; Dei quisq; est in imagine parua .

Et Sibyllæ uersus citatur à Lactantio lib. 2. cap. 11.

Εἰκὼν ἐστὶ ἄνθρωπος ἐμὴ λόγον ὀρθοῦ ἔχουσα.

Mens Hominis ratione ualens & sedula cultrix

Iusticia, iusti dulcis imago Dei est.

Et Pselli dictum ab Eugubino citatur. ὁ Πικτῆς  
ἡρώ πατῆρ τῶ κόσμῳ σύμβολα ἐγκατέσπειρε  
τῶν ψυχῶν τῆς ἑαυτοῦ ιδιότητος, id est, Archi-  
tectus & autor Mundi sparsit in animas hominum  
indicia suæ diuinitatis .

Proclus. ὁ ἐν ἡμῶν Νῦς, ἢ πρῶτη Νῦς εἰκὼν. Id est.  
Nostra mens est imago primæ Mentis s. diuine.

Hæ sententiæ quanquam dulces sunt & ueræ, ta-  
men descriptio Imaginis Dei ex testimonijs uerbi di-  
uini sumenda est.

Vt autem amplitudo sapientiæ, quam continet  
doctrina de Imagine Dei, aliquo modo aspici possit,  
breuiter eam in Decem Locos distributam euolu-  
mus.

PRIMO. Vocabulum relatiuum est. Nam Ima-  
go significat similitudinem essentiæ uel qualitatum  
congruentium, ut cum Antiocheni deprecantes poe-  
nam ob euersam Flacillæ coniugis Theodosij statuã  
dicunt, Non debere Imperatorem ob uiolatam mor-

Ε 2 tus

tuae coniugis imaginem, tot uiuas Dei imagines uiolare: Fundamentum Imaginis est statua aenea, Terminus est similitudo lineamentorum faciei & totius figurae corporis representans Flacillam.

Imaginis in speculo, fundamentum est ille intuens, à quo transmittuntur radij seu species, Terminus est similitudo illa figurae & colorum, quae conspicitur.

Sic Imaginis DEI in homine Fundamentum est Deus ipse, spargens radios suae lucis, sapientiae et iustitiae in nostras animas. Terminus est similitudo seu congruentia earum rerum, quae Deo & nobis communes sunt, uidelicet Mentis, & sapientiae firmiter agnoscentis Deum, & discernentis honesta & turpia, uoluntatis liberae, & iustitiae, beneficentiae, castitatis congruentis cum ipso Deo, & laetiae ac uitae perpetuae.

SECUNDO. Definitionem Imaginis Dei antea recitauimus extractam ex testimonijs Pauli, quae opponenda sunt ijs, qui dictum Genesis de corporea imagine interpretantur, atque contendunt hominem eo tantum Imaginem Dei esse, quod ipsius corpus ad similitudinem & Ideam corporis, quod filius Dei assumpturus erat, fabricatum sit.

Tertullianus etsi in libro de Resurrectione Carnis disertè affirmat, Carnem Hominis ad imaginem Dei, manu Dei structam esse, tamen lib. 2. contra Marcionem sibi ipsi contradicit. Neque enim facie & corpore

poralibus lineis tam uarijs in genere humano ad uniformem Deum expressus est, sed in ea substantia, quam ab ipso Deo traxit, id est, Anima, ad formam Dei spondentis, & arbitrij sui libertate & potestate signatus est.

Irenæus etiam lib. 5. pag. 298. Non solam animam sed carnem quoq; unitam animæ, esse imaginem & templum Dei disputat.

Sed Augustinus plus quam tricies disertè affirmat, Non secundum formam corporis hominem factum esse ad imaginem Dei, sed secundum rationalem mentem.

Et lib. 9. 10. 12. 14. 15. de Trinitate, Imaginem Dei ad ipsas potentias seu uires animæ accommodat, ac dictum ex lib. 9. supra recitauit.

Libro 14. cap. 8. & alibi hac explicatione utitur. In Mente Hominis, etiam antequam sit participans Dei, Dei imago reperitur. Etsi enim amissa Dei participatione deformis sit, imago Dei tamen permanet. Iam ergo in ea trinitatem, quæ Deus est, inquiramus, Ecce enim mens meminit sui, intelligit se, diligit se. Hoc si cernimus, cernimus Trinitatem, nondum quidem Deum, sed imaginem Dei. Hinc enim quedam apparet Trinitas Memoria, Intelligentiæ & Amoris.

Hæc ergo tria potissimum tractemus Memoriam, Intelligentiam, Voluntatem & c. Mens memorans seu cogitans sese significat Patrem. Intelligentia sui,

F 3 seu



seu cogitatio, quæ est imago rei cogitata, significat  
Filium, Voluntas Spiritum sanctum.

Hæc explicatio subtilior quanquam uera est, ta-  
men tutissime sequemur Paulum interpretem, qui  
Imaginem Dei nominat similitudinem seu congrua-  
entiam omnium uirium cum ipso Deo, seu Lege Dei,  
Videlicet in mente ueram, illustrem et claram agni-  
tionem Dei conditoris. In uoluntate & corde iusti-  
ciam & sanctitatem ueram, quæ causa est uite &  
leticiæ æternæ.

TERTIO. Doctrina de Imagine Dei monet,  
Quare Deus condiderit Hominem, uidelicet, ut De-  
um agnoscat, & congruat ad normam diuinæ lucis,  
sapientiæ & iusticiæ, quam nature humanæ Deus  
inseuit. Prima igitur & summa Hominis cura sit,  
ὁμοιοῦσθαι θεῷ καὶ ὁσὸν δὲ υἱατοῦ ἀνθρώπου, ut  
Deum Opificem monstret, & Dei gloriam illustret,  
ut 1. Corinth. 10. dicitur, Omnia ad gloriam Dei fa-  
cite. Et dulcissimus est Versus Antonij cuiusdam Mo-  
nachi.

Ἀρχὴν ἔπᾶντων καὶ τέλος πρὸς θεῷ.

Principium & finem in omnibus facito Deum.

QUARTO. Maxime illustre testimonium est,  
Quod sit Deus. Impossibile enim est mentem & insi-  
tas menti noticias, numeros, lumen discernens hone-  
sta & turpia, libertatem uoluntatis, iudicium consci-  
entiæ, leticiam in recte factis & c. casu existere, Ne-  
cesse est

esse est igitur esse Deum Mentem sapientem, bonam, iustam, liberam, iudicem & c.

QVINTO. Docet Qualis sit, uidelicet Essentia intelligens, bona, discernens iusta & iniusta, libera, uindex scelerum, approbatrix iusticie, Fons leticie & uitæ eterne.

SEXTO. Monet Qualis conditus sit Homo, uidelicet, ut esset Deo similis, ut in eo fulgeret Mens clare agnoscens essentiam & uoluntatem Dei, sine ullis dubitationibus & erroribus, ac ut in mente luaceret sine ulla caligine sapientia discernens honesta & turpia, tanquam norma omnium actionum. Deinde ut haberet uoluntatem liberam, non impeditam, habentem rectitudinem ac iusticiam congruentem cum Deo, plenam fiducia & leticia in Deo, & regentem inferiores uires, sine earum contumacia, expertem omnis peccati & mortis, omnis tristitie & doloris.

Cum autem illustribus uerborum & sententiarum luminibus, Imago Vitæ & primorum Parentum, qualis ante lapsum fuit: in Oratione quadam Iusti Ionæ de studijs Theologicis expressa sit: hortor Studiosos ut eam legant. Etsi enim hæc felicitas post lapsum plane amissa est, tamen prodest eam illustrari, ut magnitudo peccati, quo deformata est in nobis imago Dei, consideretur, ac maiori desiderio queratur filius Dei, qui est proxima & substantialis Imago

E 4 lis Imago

lis Imago æterni Patris, & ideo uenit, ut destruat opera Diaboli, & imaginem Dei in nobis instauret.

SEPTIMO. Monet de uero & ardenti amore Dei erga genus humanum, in quod rerum, quæ in ipso summæ & optimæ sunt, uidelicet mentis, sapientiæ, libertatis, iusticiæ, & sanctitatis similitudinem transfudit.

OCTAVO. Deformatio imaginis, facta lapsu primorum Parentum, & carnali propagatione in nos omnes deriuata, consideretur & deploretur. Nunc enim omnes ex uirili semine nascentes adferunt in Mente caliginem ignorantem Deum, & dubitationes de prouidentia & uoluntate Dei. In uoluntate auersionem à Deo, uacuitatem timoris Dei, fidei, dilectionis, securitatem carnalem, dissidentiam, admirationem sui, concupiscentiam, prauas inclinationes. In Corde contumaciam omnium adfectuum aduersus uoluntatem Dei, propter quæ mala Homo reus est iræ Dei & æternæ mortis.

Ita Homo, qui debebat esse politum speculum, & expressa imago Dei, per lapsum primorum Parentum factus est larua Diaboli. Sed tamen, ut speculum cæno conspersum, aliquam adhuc, quantumuis obscuram imaginem reddit, Sic in Homine aliqua adhuc noticia & uestigia Dei etiam post lapsum reliqua sunt, quæ per filium Dei paulatim in hac uita illustrantur, donec integra in nobis Imago Dei instauretur.

NONO.

**NONO.** Sic autem instauratur in nobis Imago Dei. Voce Legis monstratur nobis magnitudo & atrocitas peccati, quo amissa est Imago Dei, & ira Dei aduersus peccatum: Cumq; corda in ueris doloribus ortis ex conspectu peccati, sustentantur consolatione proposita in uoce Euangelij, simul accenditur in nobis per filium Dei λόγος uera agnitio Dei, & fides qua accipitur remissio peccatorum, & effunditur in pectora nostra Spiritus sanctus, qui renouat in nobis imaginem Dei, hoc est, ueram lucem, fiduciam, iusticiam, uitam, leticiam, & omnes uirtutes, congruentes cum uoluntate Dei, instaurat. Sicut de Instauratione Imaginis 2. Corinth. 3. scriptum est.

**DECIMO.** Illustria etiam testimonia diuinæ prouidentiae in mente humana, & noticijs menti insitis, ex quibus omnes artes extractæ sunt considerentur. Deinde etiam in corpore humano, cum singule partes ita aptæ distributæ sint locis, & distinctæ materia, figuris, qualitatibus, & ad suas actiones ac utilitates destinatæ, ipso ordine & arte, conuincimur esse Deum opificem, qui sui uestigia nobis impresserit, eaq; à nobis agnosci & intelligi uelit. Ideo grauius Galenus inquit, Anatomem corporis humani, ducem nobis esse ad agnitionem Dei.

Hec capita doctrinæ de imagine Dei, breuiter collegi, ut eorum cogitatione nos ad ueram agnitionem Dei & nostri, ad ueram fidem, & dilectio-

nem Dei exuscitemus. Nunc uocabula quaedam declarabo.

Faciamus hominem) Adā dicitur ab אדמה id est, terra. Homo in latina lingua dicitur ab humo, ex qua formatus est. Psalm. 102. Recordatus est quoniam puluis sumus.

ἀνωθεν dicitur ab ἄνω ἔδρα, id est, sursum uideo. Nam,

Pronaq; cum spectent animalia cætera terram,

Os homini sublime dedit, cælumq; uidere.

Iussit & erectos ad sidera tollere uultus, ut inquit Ouidius.

Simul autem in lectione horum uerborum, FACIAMVS Hominem ad imaginē NOSTRAM, Testimonium de pluribus personis diuinitatis ὁμοιοῦς & coæternis obseruetur, de quo etiam Hilarius admonet his uerbis, Deus ad communem sibi cum Deo imaginem eandemq; similitudinem Hominem reperitur operari, ut nec significatio efficientis admittat intelligentiam solitudinis, nec operatio constituta ad eandem imaginem, diuersitatem diuinitatis.

זלם) Zelem. R. David Kimhi in lib: radicū scribit aliquando significare formam sensibilem seu corpoream, aliquando uero insensibilem & incorpoream, ubi uidelicet aliquid cum alio similitudinem habet ratione dignitatis & præstantiæ. Hoc loco Paulus Zelem seu imaginem, non de forma corporea,

porea, sed de uera DEI noticia, iusticia, & sanctitate interpretatur. Ephes. 4. Coloss. 3. 2. Corinth. 3.

Præsit Piscibus:) Dominium Adæ attributum, erat facultas, qua omnibus creaturis ad salutem uti, & nulli creaturæ subijci poterat, sed soli Deo, ut inquit Psalm. 8. Omnia subiecisti sub pedibus eius. Hoc dominium in Adam amissum restituitur per Christum. Rom. 8. Confido quod neq; mors neq; uita possit nos separare à dilectione Dei, qua diligit nos propter Christum.

רָדָה Rada) significat dominiū seu potestatem, qualem habet dominus in seruum, non qua ille abutitur, sed qua illius opera ad suos usus, idq; cum æquitate utitur.

In Imagine Dei:) Ebraismus, Antecedens pro relatiuo usurpatur.

Crescite & multiplicamini:) Deus uult naturam hominum conseruari & propagari commixtione seminum in coniugio, ut Ecclesia conseruetur et propagetur, donec compleatur electorum numerus. Quare sanctissimè Plato inquit: Ideo esse coniugio utendum, ut alios Deo pro nobis cultores relinquamus. De Coniugio infra dicam capite Secundo.

Replete terram:) Scilicet prole.

Subijcite eam:) Id est, reddite eam uobis habitabilem expulsis feris, & dominamini.

Ecce dedi uobis:) Ex his uerbis colligitur homines

mines ante diluuium annis 1656 simpliciss: cibo usus esse, uidelicet herbulis & fructibus arborum. Hæc fuit causa longeuittatis ipforum.

Dedi) Præteritum Ebraeis est דָּוָן וְ signi-  
ficat habitualiter seu præsender, ut in Magnificat,  
deposuit, exaltauit, fecit, pro deponit potentes de se-  
de, & exaltat humiles & c. Ita hic Dedi, id est, Do  
uobis omnem herbam, ut sit uobis in escam.

Cuncta quæ fecerat, erant ualde  
bona.

BONVM est res à Deo condita,  
placens Deo, congruens ad ordinem  
in mente diuina, & destinata ad certos  
usus profuturos homini, & Deo placen-  
tes.

*Est autem duplex bonum.*

Naturale, est res quæcunq; à DEO  
condita, placens Deo suo loco, & ordi-  
nata ad aliquos usus Deo placentes, ut  
Sol, terra, cibus, potus.

Vtile quod iuuat conseruationem  
naturæ, uitam & uitæ necessaria, aut  
quod propter ista expetitur.

Suaue quod congruit cum aliqua  
naturali & ordinata adpetitione.

Morale

Morale est actio seu uirtus congruens cum iudicio rectæ rationis. Diligenter autem hæc particula in Mose consideranda est, Omnia quæ fecerat Deus, erant ualde bona, ut resistentur furores Manichæi & similibus, qui causam peccati in Deum conferunt.

Ab hoc furore etiam Ethnici saniores abstinerunt, ut in fine Secundi πολιτεῶν Plato ait, καὶ δὲ αἰτίου φάναι θεῶν τινὶ γίγνεσθαι ἀγαθῶν ὄντα διαμαχετέον παντὶ ἕσπεω &c. Omni contentione pugnandum est, ne quis in ciuitate quam bene regi uolumus, dicat Deum, cum sit bonus, causam esse ullius mali, Quoniam neq; sanctè ita dici potest, neq; utile est moribus, neq; secum consentit in explanatione. Et alibi definit Deum, quod sit ὄνομα

αἰδίου, τῆς ταγαθῆ φύσιως αἰτία.

hoc est, Essentia æterna, causa

boni in natura.

CAPVT